



GKJK: laguntza gida

Gordailu eta Kontsignazio Judizialen Kontua (GKJK)

Herritarrentzako eta Justizia arloko profesionalentzako informazio dokumentua

Zer dira Gordailu eta Kontsignazio Judizialen Kontuak (GKJK)?

Banku kontuak dira, eta hor eratzen dira prozedura judizialen esparruan egiten diren gordailu eta kontsignazio judizialak. Organo judizialen izenean daude.

Zer dira gordailu judizialak?

Gordailu judiziala da ebazpen judizial bat betetzearren GKJKetan egiten den diru sarrera.

Gordailu judiziala eratzen da ondorengo kasu hauetan:



- Prozedura judizialeatik eratorritako bermeak, fidantzak, kauzioak edo beste betekizun batzuk betetzea.



- Estatuko segurtasun indar eta kidegoek diru edo balore bihurtgarriak konfiskatzea.



- Ondasun enbargoen eta jarduketa judizialen ondoriozko diru sarrera egitea.

Zer dira kontsignazio judizialak?

Kontsignazio judiziala diru sarrera bat da, GKJKetan honako gai hauek direla eta egiten dena:



- Betearaztea dakarten tituluak borondatez edo nahitaez betearaztea.



- Zor den gauza edo zenbatekoa hartzekodunaren edo epailearen eskura gordailutzean datzan betebeharrak ordaintzeko bidetzat.



- Kopuru bat ordaintzera behartuta dagoenak betebeharrak horretatik askatzeko egindako diru sarrerak, edo legez ezarritako beste kasu batzuetan egindako diru sarrerak.

Nola egiten ditut diru sarrerak eta ordainketak Gordailu eta Kontsignazio Judizialen Kontuetan?

Eragiketak egin ahal izateko beharrezko datuak:



Espedienteko kontu zenbakia
(organo judizialak emana, 16 digituz osatuta dago).



Diru sarrera egiten duenaren izena edo sozietate izena; eta, besteren kontu egin badu, haren izena edo sozietate izena.



Identifikazio fiskaleko zenbakia. Agindu-emailearen helbidea. Eragiketaren zenbatekoa. Kontzeptua. Data.

Nola egingo dut diru sarrera Banco Santanderretik?

ESKUDIRUA

- **Banco Santanderreko edozein bulego edo kutzazainetara bertaratu.** Han zaudela, Banco Santanderren kontu baten titularrak baldin bazara, zure kontutik bertatik sar dezakezu dirua, alde zuzenetik dirua atera behar izan gabe.
- Hauek dira eskudirutan ordaintzeko **onartzen diren monetak:** euroa (EUR) edo eurora bihur daitezkeen dibisa hauetako edozein: Australiako dolarra (AUD), Kanadako dolarra (CAD), Suitzako frankoa (CHF), Danimarkako koroa (DKK), libera esterlina (GBP), Japoniako yena (JPY), Norvegiako koroa (NOK), Suediako koroa (SEK), Estatu Batuetako dolarra (USD), Zeelanda Berriko dolarra (NZD) eta Marokoko dirhama (MAD).

BANKU TXEKEA

- **Banco Santanderreko edozein bulegotara bertaratu.** Txekea, diru sarrera agindu duen epaitegi edo auzitegiaren izenean joango da. Banketxearen (Banco Santander) izenean datozen txeeak ere onartzen dira.
- *Ez da onartuko eramailearentzako txekerik, kontu korronteetako txekerik, edo ATZERRIAN JAULKITAKO txekerik (horien jaulkipen moneta edozein dela ere), nahiz eta Europar Batasuneko herrialdeak izan. Banku txeeak edo eurotan (EUR) izendatutakoak soilik izango dira baliozkoak, eta baldin Espainian ezarrita dauden eta Kontentsazio Sistema Nazionalen parte hartzen duten erakundeek jaulkitakoak badira.*

BANCO SANTANDERREKO KONTU BATETIK EGINDAKO BANKU TRANSFERENTZIA

1. Banco Santanderren bulegoan bertan artatuko zaituzte eragiketa hori egiteko.
2. Online bankuan sartuta, helbide honetan: www.bancosantander.es

Aukera hauek hautatu:

- "Particulares" fitxa, "Acceso Clientes", "Cuentas y Tarjetas", "Pagos", "Consignaciones Judiciales", edo
- "Empresas" fitxa, "Acceso Clientes", "Tesorería", "Recibos y Otros Pagos", "Ingreso en Juzgados".

Enpresa handientzat, aseguru etxeentzat eta abarrentzat, transferentzia masiboak errazten dituen prozedura definitu bat dago (Espainiako Banku Elkartearen 34. koadernoan oinarritua). Banketxearekin harremanetan jartzea gomendatzen da.

Gogoan izan ezazun beharrezkoa dela **ezkerraldean adierazitako datu guztiak ematea.** Espedienteko kontu zenbakia prozedura daraman organo judizialak ematen du.

Gogoan izan ezazun beharrezkoa dela **ezkerraldean adierazitako datu guztiak ematea.** Espedienteko kontu zenbakia prozedura daraman organo judizialak ematen du.

Gogoan izan ezazun beharrezkoa dela **ezkerraldean adierazitako datu guztiak ematea.** Espedienteko kontu zenbakia prozedura daraman organo judizialak ematen du.



GOBIERNO DE ESPAÑA
MINISTERIO DE JUSTICIA

DIRECCIÓN GENERAL DE TRANSFORMACIÓN DIGITAL DE LA ADMINISTRACIÓN DE JUSTICIA
SUBDIRECCIÓN GENERAL DE DESARROLLO E IMPLANTACIÓN DE SERVICIOS DIGITALES



AGENDA 2030

Nola egiten ditut diru sarrerak eta ordainketak Gordailu eta Kontsignazio Judizialen Kontuetan?

Nola egin behar dut diru sarrera Banco Santander ez den beste banketxe batetik?

BANKU TRANSFERENTZIA

- Igoirri transferentzia ondorengo IBAN hau (24 digitu) dituen banku kontura:

ES55 0049 3569 9200 0500 1274 (SWIFT kodea: BSCHEM)

- AGINDU-EMAILEA** eremuan, diru sarrera egitera behartuta dagoen pertsona fisikoaren edo juridikoaren izena edo sozietate izena adieraziko da, bai eta haren IFZ/IFK ere.
- ONURADUNA** eremuan, sarrera agindu duen epaitegia edo auzitegia identifikatuko da.
- OHARRAK EDO TRANSFERENTZIAREN KONTZEPTUA** eremuan, **espedienteko kontuaren** 16 digituak adieraziko dira (prozedura judiziala daraman organo judizialari eska dakizkiokezu).
- OSO GARRANTZITSUA:** **Espedienteko kontuaren 16 digituak bloke bakarrean** adierazi behar dira. Garrantzitsua da 16 digituko bloke hori gainerako informaziotik bereiztea, **tarte bat jarrita aurretik eta atzetik**.

Baldin 16 digitu horiek agertzen ez badira edo oker idazten badira, sistemak errorea emango du, eta kontu hori ez dela existitzen adieraziko du.

Enpresa handientzat, aseguru etxeentzat eta abarrentzat, transferentzia masiboak errazten dituen prozedura definitu bat dago (Espainiako Banku Elkartearen 34. koadernoan oinarritua). Banketxearekin harremanetan jartzea gomendatzen da.



MINISTERIO DE JUSTICIA

DIRECCIÓN GENERAL DE TRANSFORMACIÓN DIGITAL DE LA ADMINISTRACIÓN DE JUSTICIA
SUBDIRECCIÓN GENERAL DE DESARROLLO E IMPLANTACIÓN DE SERVICIOS DIGITALES



AGENDA 2030

Nola egiten ditut diru sarrerak eta ordainketak Gordailu eta Kontsignazio Judizialen Kontuetan?



Nola kobratu dezaket ordainketa-agindu bat?

KONTU KORRONTERA TRANSFERENTZIA EGINEZ, EPAITEGITIK BERTATIK

Justizia Administrazioak ordaintzeko aginduak eman diezazkieke herritarrei edo enpresei, onuradunek adierazitako kontura banku transferentzia eginez.

Bizkorrago kobratu ahal izateko, gomendatzen da organo judizialari bidaltzea transferentzia bidezko ordainketa-agindua ematen den banku kontuaren titulartasunaren ziurtagiria, onuradunaren izenean.

ESKUDIRUTAN

Epaitegiak **ordaintzeko agindua** deritzon dokumentua eman dezake pertsona edo enpresaren alde. Dokumentu horretan, ordainketa horri buruzko datuak jasoko dira. Dokumentu hori **Justizia Administrazioaren letraduak** edo ordainketak egiteko gaitasun nahikoa duen pertsonak sinatu beharko du.

Dokumentu horrekin, dokumentuaren titularrak finantza erakundera (Banco Santander) joan ahal izango dira, eta **IFZ** (partikularren kasuan) edo **IFK eta ahalordea** (enpresen kasuan) aurkeztu beharko dituzte dokumentu horren eskurdirua jasotzeko edo, bestela, onuradunekin bat datorren titulartasuneko kontu korronte batean sartzeko.

GKJKei lotutako egungo operatibo guztiak Banco Santanderreko sukurtsalen arreta pertsonalizatua dute.

Nola kontsulta ditzaket espedienteko kontu baten mugimenduak?

JUSTIZIAKO PROFESIONALAK (PROKURADOREAK, GIZARTE GRADUATUAK, ABOKATUAK)

Justiziako profesionalak, bezeroaren alde aurreko baimenarekin eta Justizia Administrazioaren letraduaren adostasunarekin, espedienteko kontuak kontsultatzeko aukera dute, Banco Santanderreko bezeroen webguneko eremu pribatuko aukera baten bidez (dagokion kolektiboaren Banco Santanderreko bulegoan egiaztatuta ondoren).



DIRECCIÓN GENERAL DE TRANSFORMACIÓN DIGITAL DE LA ADMINISTRACIÓN DE JUSTICIA
SUBDIRECCIÓN GENERAL DE DESARROLLO E IMPLANTACIÓN DE SERVICIOS DIGITALES



Nora jo dezaket gordailu eta kontsignazio judizialen kontuei (GKJK) lotutako kudeaketak eta kontsultak egiteko?



GKJKen arloan herritarrei arreta emateko orriak

<https://sedejudicial.justicia.es>

Harremanetarako
inprimakia

Elkarrizketa-
laguntzailea

Arreta
902 007 214

Telegram
663 290 227



MINISTERIO
DE JUSTICIA

DIRECCIÓN GENERAL DE TRANSFORMACIÓN
DIGITAL DE LA ADMINISTRACIÓN DE JUSTICIA
SUBDIRECCIÓN GENERAL DE DESARROLLO
E IMPLANTACIÓN DE SERVICIOS DIGITALES

